

欽定四庫全書薈要

史部
詔令類

吉林出版集團有限責任公司
海天出版社

目次

書名	卷次	頁次	作者
硃批諭旨	卷七六—卷一二四	一九〇—一	清・雍正七年敕編
卷七六 石雲倬		一九〇—一	
卷七七 蔣洞		一九〇—三七	
卷七八 胡瀛		一九〇—八六	
卷七九 李元英		一九〇—九二	
卷八〇 趙宏本		一九〇—九七	
卷八一 岳超龍		一九〇—一〇三	
卷八二 馬紀勲		一九〇—一三七	

書

名

卷

次

頁

次

作

者

卷八三

張起雲

卷八四

邊士偉

卷八五

張元佐

卷八六

齊元輔

卷八七

蔡珽

卷八八

佛喜

卷八九

黃焜

卷九〇

管承澤

卷九一

董象緯

一九〇—一四四

一九〇—一四九

一九〇—一五四

一九〇—一五九

一九〇—一六八

一九〇—一九八

一九〇—二一二

一九〇—二二三

一九〇—二四三

書名	卷次	頁次	作者
卷九二 馮允中		一九〇—二五五	
卷九三 李燦		一九〇—二六四	
卷九四 任國榮		一九〇—二七二	
卷九五 楊長泰		一九〇—二八六	
卷九六 徐鼎		一九〇—二九一	
卷九七 路振揚		一九〇—三一〇	
卷九八 潘之善		一九〇—三一八	
卷九九 張璨		一九〇—三四四	
卷一〇〇 鄭任鑰		一九〇—三四七	

書名	卷次	頁次	作者
卷一〇一		一九〇—三五一	
周英			
卷一〇二		一九〇—三六三	
施廷專			
卷一〇三		一九〇—三七六	
袁立相			
卷一〇四		一九〇—三九四	
尚濬			
卷一〇五		一九〇—四〇六	
楊鵬			
卷一〇六		一九〇—四二三	
張善			
卷一〇七		一九〇—四二八	
佟世麟			
卷一〇八		一九〇—四三五	
馬覲伯			
卷一〇九		一九〇—四四二	
蔡良			

書名	卷次	頁次	作者
卷一一〇 吳陞 卷一一一 魏經國 卷一二二 楊長春 卷一一三 黃元驤 卷一一四 趙國瑛 卷一一五 田峻 卷一一六 祖秉衡 卷一一七 孫繼宗 卷一一八 顏光祚		一九〇—四五八 一九〇—四六五 一九〇—四八七 一九〇—四九四 一九〇—五〇二 一九〇—五〇九 一九〇—五一九 一九〇—五二八 一九〇—五三九	

書名	卷次	頁次	作者
卷一一九 丁士傑 卷一二〇 袁繼蔭 卷一二一 趙坤 卷一二二 藍廷珍 卷一二三 張耀祖 卷一二四 紀成斌		一九〇—五四八 一九〇—五七一 一九〇—五七六 一九〇—五八八 一九〇—六〇四 一九〇—六一七	

欽定四庫全書薈要

史部
硃批諭旨卷七十六

詳校官編修臣繆晉

欽定四庫全書薈要卷七十九百七十四
史部

硃批諭旨卷七十六

硃批石雲倬奏摺



雍正三年七月二十九日江西南贛總兵官臣石雲倬謹

奏為密陳

天聽事竊臣蒙

皇上隆恩忝任封疆重寄惟有矢忠矢慎剔弊釐姦以

欽定四庫全書

硃批諭旨

卷七十六

仰報

高厚於萬一臣受任之始細查營中積弊有前鎮臣黃

起憲共食空糧二百三十五分空糧之外又勒索

各營四節規禮每節或六十兩或四十兩不等以

致營伍廢弛積成大弊更有甚者現任九江協副

將王用身為大員婪贓無厭於六月二十四日署

理贛鎮印務起至七月十二日止勒索上任規禮

并侵蝕各營餉米銀四百六十五兩又拔補把總

馬成功逼取部費銀二百兩又拔補把總謝晉因
伊赤貧勒索紬緞等物種種貪污有乖行止經臣
訪查確實當即報明督臣查弼納合先將情由上
陳

天聽伏乞

皇上睿鑒謹

奏

概能不徇情面如此直陳方為不負朕之任用黃起憲

欽定四庫全書

硃批諭旨
卷七十六

二

亦應參處無可顧惜也

同日又

奏為請

旨更定弁丁年貌確冊以杜姦弊事竊照兵丁編造名
冊原以稽查姦偽若年貌不符名姓互異雖有冊
籍將焉用之臣到贛之日細查營中千把兵丁並
無一人真正年籍所由然者兵丁移張就李易於
是極
更替而軍官將錯就錯便於增減也臣係武人歷

處營伍熟見偽冊朦朧互相頂替前在鎮番慶陽
二任時業已剔清此弊因所轄之兵寥寥無幾易
於更正今贛鎮一十六營非鎮慶兩營之比若仍
其舊冊勢必姦弊叢生若必徹底清查則逐營更
定誠恐有需時日理合先摺具

奏倘蒙

皇上採納即將臣摺發部妥議俟

命下之日容臣次第查明逐營更定則歷年積弊永清

欽定四庫全書

硃批諭旨
卷七十六

三

於軍政不無裨益矣謹

奏

此事何須部議爾徐徐更定清理妥確具奏以聞可也
雍正三年十月初四日江西南贛總兵官臣石雲
倬謹

奏為密陳營伍事竊惟糧餉不清實為營伍大弊臣
於抵任之日反覆清查務使糧無隱食餉不虛懸
以仰報

皇上推誠置腹之恩所有親丁名糧臣照例止食六十

分併飭各營將備千把遵照定例毋許浮冒一名

亦不許家人長隨在營食糧致滋混擾今查出臣

屬一十六營兵五千四百二十一名內存有公費

糧五百零二分當即嚴飭將備責令盡行募補以

實營伍嗣據各營將備向臣痛切直陳僉稱煌煌

功令敢不凜遵奈營務費用浩繁如季報冊籍有費

提塘工食有費霜降祭祀有費甲幟軍裝製造有

欽定四庫全書

硃批諭旨
卷七十六

四

費且軍營礮位火藥鉛彈巡哨船隻種種無費不

行懸於每兵一百名之內仍留守糧五分以充前

項公用總計各營約存守糧二百七十分則辦公

有資而兵丁月餉亦可足給等情據此臣再四思

維若遽准於百名之內存留守糧五分以充營伍

公用恐仍干虛冒之罪臣愚昧無知不敢擅便因

其為營伍起見謹具密摺據實陳明伏祈

皇上睿鑒指示遵行謹

奏

存留名糧以資費用在在皆然乃以公濟公眾目昭彰
之舉非隱食空糧可比何妨乎所奏知道了

雍正四年二月十二日江西南贛總兵官臣石雲

倬謹

奏為添設礮位以鎮地方事竊惟捍衛地方先資武

備器械不可不齊而礮位尤為切要今查臣標四

營子母礮位向僅二十二座大小參差不一俱年

欽定四庫全書

硃批諭旨
卷七十六

五

遠朽腐萬難演放詢知江寧子母礮打造如法臣

因申明督臣查弼納領取式樣現募工匠按法打

造三十位先發本城四營操練演放其物料價值

皆於前摺

奏明公費項內取給俟本城四營造就之日再查外

十二營礮位如有朽舊令其依樣製造此外一切

軍裝旗幟如遇缺少臣不時添補並不時查驗務

使武備一新侵漁永杜以仰副

皇上以公濟公之

至訓所有新造礮位數目緣由俟鑄造齊集再為具

題并造冊呈報兵部核查存照理合預行陳

奏伏乞

皇上睿鑒謹

奏

軍裝等項隨時陸續製辦甚是不宜急驟若速欲整齊

則攤派捐扣種種弊端皆起於此且為將之道首以操

欽定四庫全書

硃批諭旨
卷七十六

六

演兵丁整飭塘汛緝盜安民甄別屬弁為要至於外像

觀瞻之美究屬末著何必諄諄留意頻陳奏牘也

雍正四年六月二十二日江西南贛總兵官臣石

雲倬謹

奏為哀籲

聖慈乞終喪制事竊臣蒙

皇上簡任贛南重鎮一門榮幸均戴

天恩誓願竭誠報效乃不意本年六月十九日接臣胞

凡石雲慶胞弟石雲興訃報知臣父石琬於五月初

六日在籍病故臣驚聞訃報五內崩裂時復昏迷因

念贛南重地關係緊要斷非哀毀餘生所能辦理臣

隨具文通報署督臣范時繹撫臣裴率度懇其代

題并委員署理外臣衙門

王命旗牌一切暫委臣標管中營事左營遊擊林麒看

守公文案件亦令代拆代行尚俟署任官到日交

代明白臣即匍匐還籍理合哀籲

欽定四庫全書

硃批諭旨
卷七十六

七

聖慈賜臣回籍守制得以料理喪葬則此後餘年誓效

犬馬之報臣不勝哀鳴激切之至謹

奏

忠孝原屬一理所以經云資於事父以事君爾能竭力

報國顯親揚名爾父自然含笑九原此亦凡為人子者

分內必有之事不可過於哀毀爾今日之苦即朕六十

一年十一月十三日之苦也然朕之苦更有甚於汝者

其間難以言悉亦只得權其輕重勉強以理奪情耳可

奈何朕未聞爾有大故已用爾為浙江提督矣本應曲從所請但克盡孝道不闕去職在職浙江提督責任重大俟該督等題本到日朕賞爾假數月回籍送終禮畢即赴新任勉就職守可也

雍正四年十一月十二日新授浙江提督臣石雲

倬謹

奏為恭請

陞見仰承

欽定四庫全書

硃批諭旨
卷七十六

聖訓事竊臣以微末武員叨荷

皇上特恩由副將陞授南贛總兵到任一載惟奉

訓旨遵行幸免隕越今又蒙

恩命授臣浙江提督伏念浙省係海疆重地更宜奉

明訓以遵從方克啓愚蒙而盡職臣現沐

聖慈賞假在籍假滿之日擬合上覲

天顏跪聆

聖訓臣不勝望

闕依戀之至為此具摺請

旨伏候

皇上批示遵行謹

奏

好德州距京為路甚近來京陛見聆朕訓旨然後往赴浙任諸凡有所遵循不無少益

雍正五年三月初六日浙江提督臣石雲倬謹

奏為密陳營伍情形事竊臣查浙省營伍當積廢之

欽定四庫全書

硃批諭旨
卷七十六

九

後軍裝甲械損壞不齊教場公署僅存白地揆其

致此之由其端有二一則藉公費而潤私囊病在

於侵蝕一則務虛名而忘實效病在於矯情臣歷

查前任提臣如王世臣吳郡隱食空糧數百名一

切營制置於度外此則侵蝕之尤者也及吳陞接

任糧餉稍清尚存公費糧一百五十名造有烏鎗

千桿營伍稍為整頓至鍾世臣任內營制毫無增

補公費又為侵蝕後王安國署事時經督臣滿保

檄令將公費名糧盡行裁革雖矯情於一時實貽

誤於營伍及楊長春到任因公用毫無所出於五

營内存糧五十分凡遇領餉季報稍資涓滴之助

經張溥署事盡行裁去此又一矯情而貽誤於營

伍者也臣抵任以來雖盡心整頓百計彌縫奈無

米之炊萬難經理以臣愚見請將浙省各營無論

大小按兵計算統於百名内存留公費三名以脩

營中公用伏候

欽定四庫全書

硃批諭旨

卷七十六

十

皇上明旨頒示額規俾營員永行遵守庶營務不至廢

弛矣為此具摺奏

聞伏乞

皇上睿鑒施行謹

奏

所奏甚是營伍中不留幾分公費名糧如何行得去其
間充公濟私要看所用何如耳至王安國張溥原皆係
拘謹之人未免太過酌量為之

同日又

奏為再陳營伍條規事竊查公費名糧原無定例臣

前摺奏請之項不過借營間之公餉濟營務之急

需總期有益於兵丁無損於營伍但經費既定條

例宜嚴臣不揣愚昧謹抒管見為我

皇上陳之

一冊報之宜審也臣查百弊之根起於冊籍之朦

混不肖官吏往往捏飾增添用少報多串通侵蝕

欽定四庫全書

硃批諭旨

卷七十六

十一

者有之臣請嗣後無論大小衙門令其造具簡明

四柱清冊開明某營額兵若干名分析馬步戰守

項欸內該存留公費幾名某月領銀若干兩辦理

某事用銀若干製造某器用銀若干有無存剩即

註明冊內下月照前開列該營員按季呈報將領

轉報上司至年終查驗之後方准開銷其有捏飾

增添等弊照例處分冊籍既清庶朦混之弊可除

矣

一經費之宜節也臣思百名之額兵權通三名之公用稍不撙節立見空乏每見不肖屬員有將此項夤緣上司者亦有上司借此嚇詐屬員者臣請嚴定法程倘有前項情弊應照冒餉之例計贓定罪追銀入官至於修葺衙署及鋪墊供應名色止許量行添湊不准於公費項內任意開銷庶經費有程而冒濫之弊可除矣

一製造之宜敷也大凡軍裝旗幟等項務須揀選

欽定四庫全書

硃批諭旨

卷七十六

十三

物料造作如法方為有用並堪經久但恐不肖員

役希圖了事草率完工亦未可定臣請嗣後凡有

製造軍器責令將備驗明物料方許興工成工之

日果否合式亦令將備具結存案如有仍前草率

致令所造之器不堪應用者應照造作軍器不如

法之例處分仍令督工之員改造其物料工價著

令將領分賠庶營員知儆而草率之弊可除矣

一收貯之宜謹也臣思一切軍器務須存貯有方

乃能經久不壞每見營員漫不加察一任風雨飄

零塵泥堆積旗幟鎗礮日就朽爛臣請嗣後凡有

一切軍器無論舊造新添須不時查點開列清單

擇高燥房屋藏貯如遇交代之時驗明收受倘有

損壞缺失情由前官未經聲明者許後任官揭報

責令前官賠補若後官徇情不報事後查出即責

令後任賠償庶收貯以時而疎忽之弊可除矣

以上四條就營伍之情事立整頓之條規謹獻芻

欽定四庫全書

硃批諭旨

卷七十六

十三

荂仰希

採擇伏祈

睿鑒施行臣不勝悚惶激切之至謹

奏

所論甚屬通暢朕欣悅覽之實力整頓務令弊絕風清

同日又

奏為奏

聞事竊臣抵任後於三月初二日率同臣標將備勘閱

城垣一切城牆垛口坍塌幾及三分之一城門六

座并水門二座所有城樓片瓦無存臣驗閱之下

不勝駭異伏思寧波一府係邊海重地較之他處

尤為緊要若非及今修築則工程愈大糜費愈多

當即開明坍塌處所丈尺數目飛咨督臣高其倬

撫臣李衛作何設法興修之處俟議定之日臣另

行具

奏外所有寧波府城垣坍塌情由理合繕摺奏

欽定四庫全書

硃批諭旨
卷七十六

十四

聞謹

奏

所奏是朕常為此籌慮亦曾頻諭督撫輩但總計天下

城垣坍塌者多修理需費浩繁只得且就緊要處先行

耳今寧波城垣爾咨商督撫甚是應作何設法興修伊

等酌議妥確自必另行請旨也

同日又

奏為請

旨事竊臣前

陞見時蒙

皇上垂問有熟諳水師辦事勤謹及操守好者啓奏臣

即

奏南贛鎮標左營遊擊林麒中營守備孫希爵臣曾

委監造礮位見此二人歷練老成辦事勤謹且林

麒熟悉水師諳練營務年紀微老精神尚健等語

當蒙

欽定四庫全書

硃批諭旨
卷七十六

十五

皇上即調林麒引

見所有林麒遊擊員缺將孫希爵補授林麒引

見後

賞發臣標遇有參將缺出

題補今臣標中軍參將陳惠調任員缺現在需人可

否即以林麒補授之處伏候

聖裁批示遵行謹

奏

所奏知道了水師將官歷練壯勇者儘有其人但鄙而貪者十居八九習氣甚屬卑下爾宜留心

雍正五年四月二十一日浙江提督臣石雲倬謹奏為先發隨糧以濟公務事竊臣前謹抒臆見於每兵百名内存留公費三名以充營中公用條列四款具摺請

旨蒙

皇上允臣所請臣欽奉

欽定四庫全書

硃批諭旨

卷七十六

十六

硃批後即將條規四則鈔示各營并咨同督撫會飭作速整理外但營內名糧凡係老病開汰者例選子姪餘丁頂補惟脫逃犯事革退者方可留充公用是公糧一項勢不能以急期而軍裝製造事又難於久待若俟取給公糧誠恐耽延時日難免觀望稽遲臣當即發出隨糧二十分交臣標五營購買物料製辦軍裝據五營將弁等亦情願公發隨糧六十分承辦公務又據各鎮協營員弁願照臣標

之例一體酌發隨糧承辦公務臣思浙省營伍經

積廢之後須此一番奮勵方可改觀今各營有志急公臣准其暫發隨糧以濟營務俟公費足數之日自下而上聽還各官養廉茲臣更有請者伏思百內抽三之議在各營分派不過數名而合通省計之遂至千名有零念此空糧之多實深悚懼雖經咨會督撫查核似應報部察銷但查公費一項自來不在題銷之例臣既不敢違例具

欽定四庫全書

硃批諭旨

卷七十六

十七

武員隨糧與文員火耗相抵似宜留公費密奏朕知非題復不敢朦混不報理合繕摺請訓應否報部察銷抑或會同督撫衙門查核之處統俟聖裁批示遵行謹

奏

盡力急公固屬美舉然亦不可驟迫及過於從事朕不求速效但願卿等徐徐次第整理事漸就緒而衆不怨憾方為善於措置也勉之

雍正五年五月初十日浙江提督臣石雲倬謹